



ЖИГҮҮР ЗАМ
ХХК

СИСТЕМИЙН ГАРЫН АВЛАГА

Ажилчдад зориулав

Түрээс · Худалдаа · Тооцоо · Санхүү

Хувилбар 1.1 · 2026 он

1. Систем юу хийдэг вэ

Өмнө нь бид Messenger чат, гар падан, Numbers файл дээр ажилладаг байсан. Үүнээс болж:

- Хэнээс хэдэн төгрөгийн авлага байгаа нь тодорхойгүй
- Хугацаа хэтэрсэн төлбөр анзаарагдалгүй өнгөрдөг
- Бартераар авсан барааг дараа нь хямдхан зараад хохирдог
- Хоёр хүн өөр өөр тоо ярьдаг

Одоо бүх зүйл гэрээнээс урсана. Гэрээ нэг удаа үүсгэвэл:

Ачилт → нөөц хөдөлнө → түрээс өдрөөр тоологдоно → цикл дуусахад нэхэмжлэл өөрөө үүснэ → төлбөр бүртгэхэд авлага өөрөө буурна → тайлан өөрөө шинэчлэгдэнэ

Хэн ч юуг ч хоёр дахин бичихгүй. Нэг газар бүртгэсэн зүйл бүх дэлгэц дээр шууд харагдана.

2. Эхлэх

2.1. Системийг асаах

Систем нэг компьютер дээр асдаг, бусад нь сүлжээгээр холбогдоно.

Хэн	Юу хийх
Систем хариуцагч (өглөө хамгийн эрт ирсэн хүн)	Jiguur\system\run.bat дээр давхар дарна
Бусад	Browser нээгээд хаягаа бичнэ

run.bat цонхонд хаягууд бичигдэнэ:

ENE KOMPYUTER DEER: <http://localhost:8000>
 BUSAD KOMPYUTER/UTASNAAS: <http://192.168.1.15:8000>

⚠ Тэр цонхыг хаах ёсгүй. Хаавал систем унтарна. Ажлын өдрийн турш нээлттэй байлгана.

2.2. Нэвтрэх

Нэвтрэх нэр	Хэн	Эхний нууц үг
otgoo	Менежер	1234
darga	Үйлдвэрийн дарга	1234
sanhuu	Санхүүч	1234

2.3. Нууц үгээ ЗААВАЛ солино

Эхний удаа орсны дараа:

1. Зүүн доод буланд өөрийн нэрийн хажууд [түлхүүр] товч дарна
2. Одоогийн нууц үг: 1234
3. Шинэ нууц үгээ хоёр удаа бичнэ (дор хаяж 4 тэмдэгт)
4. Солих

Нууц үгээ мартвал менежер otgoo-гоор орж шинээр өгнө.

3. Хэн юу хариуцах вэ

	Менежер (Отгоо эгч)	Үйлдвэрийн дарга	Санхүүч
Гэрээ үүсгэх	тийм	—	—
Тариф, үнэ өөрчлөх	тийм	—	—
Ачилт баталгаажуулах	тийм	тийм	—
Бараа буцааж авах	тийм	тийм	—
Тооллого	тийм	тийм	—
Механизм (Автокран)	тийм	тийм	тийм
Төлбөр бүртгэх	тийм	—	тийм
Авлага цуглуулах	тийм	—	тийм
Зээл, цалин	тийм	—	тийм
Тайлан, аналитик	тийм	—	тийм
Тохиргоо, үйлдлийн бүртгэл	тийм	—	—

Хэрэггүй цэс нь тухайн хүнд огт харагдахгүй — андуурах магадлал байхгүй.

4. Бүгдэд хамаарах үндсэн зүйлс

4.1. Цэсийг хураах

Дээд талын « товч дарвал зүүн цэс нарийсаж зөвхөн icon үлдэнэ (дэлгэц илүү өргөн болно).

» дарвал буцаад дэлгэгдэнэ. Таны сонголт хадгалагдаж, дараа орохдоо хэвээрээ байна.

Утас, таблет дээр цэс нуугдсан байдаг — дээд зүүн буланд ≡ товч дарж гаргана.

4.2. Тасархай зураастай тоо = дарж засаж болно

Тариф, алданги, барьцаа, утасны дугаар, зээлийн хүү гэх мэт тасархай доогуур зураастай зүйл болгон дээр дарж шууд засна:

- | | |
|-------------------------|--|
| 1. Тоо/текст дээр дарна | → засах талбар нээгдэнэ |
| 2. Шинэ утгаа бичнэ | |
| 3. ✓ товч дарна | → «Хадгалах уу?» гэсэн ногоон товч гарна |
| 4. Тэр товчийг дарна | → хадгалагдана |

Хоёр удаа асууж байгаа нь санамсаргүй засахаас сэргийлж байгаа юм. Буцах бол ✕ дарна.

4.3. Дашбоард уншиж сурах

Нэвтэрмэгц эхлээд гарч ирэх дэлгэц. Дээд талд 4 том тоо:

Тоо	Утга
Авлагын нийт үлдэгдэл	Харилцагчид биднээс нийт хэдэн төгрөг өртэй вэ
Хугацаа хэтэрсэн	Үүний хэд нь төлөх ёстой хугацаа нь өнгөрсөн бэ (улаан = анхаарах)
Идэвхтэй гэрээ	Одоо явж байгаа гэрээний тоо
Нөөц түрээсэнд	Манай материалын хэдэн хувь нь ажиллаж байна вэ

Доор нь:

- Орлогын график — Түрээс (шар) · Худалдаа (хөх) · Бартер (ягаан). Сар дээр хулгана аваачвал тухайн сарын задаргаа гарна.
- Авлага насжилтаар — өр хэр удсан бэ (0-30 / 31-60 / 61-90 / 90+ хоног)
- Мэдэгдэл — дуусах гэж буй гэрээ, хэтэрсэн төлбөр, зогсонги бартер. Дарвал холбогдох хуудас руу шууд очно.
- Ачилт хүлээгдэж буй — дарга баталгаажуулах ёстой ачилтууд
- Зээлийн ойрын төлөлт — хэзээ хэдийг төлөх ёстой

4.4. Дээд талын Түрээс / Худалдаа шүүлтүүр

Дашбоард болон Гэрээнүүд дээр дээд баруун талд Бүгд · Түрээс · Худалдаа гэсэн товчнууд байна. Дарвал бүх тоо, график тэр төрлөөр шүүгдэнэ.

4.5. Хайх

Гэрээ, харилцагч, материалын жагсаалт бүр дээр хайх талбар байна. Нэр, дугаарын хэсэг бичихэд шууд шүүгдэнэ.

5. Менежерийн заавар

5.1. Шинэ гэрээ үүсгэх

Дашбоард эсвэл Гэрээнүүд дээрх + Шинэ гэрээ товч. 4 алхам:

Алхам 1 — Харилцагч

- Эхлээд Түрээс эсвэл Худалдаа сонгоно
- Харилцагчийн нэр дээр дарна. Хэрэв тэр хүн өртэй бол улаанаар «хэтэрсэн өртэй Δ » гэж харагдана — гэрээ хийхээсээ өмнө бодох хэрэгтэй
- Шинэ харилцагч бол + Шинэ харилцагч дарж нэр, регистр, утсыг бичнэ

Алхам 2 — Материал

- Материалын жагсаалтаас дарж сонгоно. Мөр бүр дээр агуулахад хэд байгаа нь харагдана
- Тоо бичнэ. Нөөцөөс их бичвэл улаанаар анхааруулна
- Тариф нь каталогийн суурь үнээр бөглөгдөнө — тохирсон үнээ бичиж өөрчилж болно
- Доор наву өнгийн хайрцаг дээр өдрийн дүн, 30 хоногийн цикл шууд бодогдоно

Алхам 3 — Нөхцөл

Талбар	Тайлбар
Гэрээний №	Хоосон орхивол автоматаар дугаарлагдана
Эхлэх огноо	Тооцоо энэ өдрөөс эхэлнэ
Дуусах огноо	Заавал биш. Оруулбал дуусахаас 7 хоногийн өмнө сануулна
Алданги %/хоног	Ердийн үед 0.5
Барьцаа	Авсан бол бичнэ. Гэрээ дуусахад тооцоо хийнэ
НӨАТ	Шивэлцдэг бол 10%

Алхам 4 — Баталгаажуулах

Наву хайрцагт бүх дүн эцсийн байдлаараа харагдана. ✓ Гэрээ баталгаажуулах дармагц:

- Гэрээ үүснэ
- Ачилтын хүсэлт үйлдвэрийн дарга руу автоматаар очно
- Дарга «Ачсан ✓» гэж баталгаажуулах хүртэл нөөц хөдлөхгүй, тооцоо эхлэхгүй

5.2. Гэрээ хэвлэх

Гэрээний дэлгэц дээр:

- Гэрээ PDF — бүрэн гэрээ (нөхцөл, материалын жагсаалт, гарын үсгийн хэсэгтэй).

Хэвлээд хоёр тал гарын үсэг зурна

- Акт PDF — тооцоо нийлсэн акт (циклүүд, төлсөн, үлдэгдэл, алданги)
- Нэхэмжлэл бүрийн хажууд PDF товч

5.3. Гэрээний нөхцөл өөрчлөх

Гэрээний дэлгэцийн дээд хэсэгт тасархай зураастай утгууд:

- Дуусах огноо · Алданги % · Барьцаа · Тэмдэглэл
- Материалын хүснэгтэд тариф бүр — «Энэ циклээс шинэ үнээр?» гэж асууна

Тариф өөрчилвөл одоогийн циклээс шинэ үнээр бодогдоно. Өмнөх, хаагдсан нэхэмжлэлүүд өөрчлөгдөхгүй.

5.4. Нэмэлт олголт (гэрээний дундуур бараа нэмэх)

1. Гэрээний дэлгэц → + Нэмэлт олголт
2. Огноо, материал бүрд нэмэх тоог бичнэ
3. Navy хайрцагт «өдрийн тооцоо хэд болох» нь харагдана
4. Илгээх → дарга баталгаажуулна

5.5. Гэрээ сунгах / хаах

- Гэрээ сунгах — шинэ дуусах огноо өгнө
- Гэрээ хаах — бүх бараа буцаж ирсэн байх ёстой. Гадаа бараа байвал систем зөвшөөрөхгүй, эхлээд буцаалт бүртгэнэ

5.6. Материал, зэрэглэл, үнэ (Тохиргоо)

Тохиргоо цэс:

- Зэрэглэл — шинэ, А, В, С... Дуртай хэдийг нэмнэ. Бараа буцаж ирэхэд дарга эндээс сонгоно
- Материалын каталог — материал бүрийн:
- Суурь тариф (₮/ш/хоног)
- Засварын фикс үнэ — эвдэрсэн ширхэг бүрд харилцагчаас авах дүн
- Зэрэглэл бүрийн НБҮнэ (актлахад тооцох үнэ) ба худалдах үнэ
- Суурь утгууд — компанийн нэр, алдангийн суурь %, циклийн урт, НДШ хувь

5.7. Үйлдлийн бүртгэл

Үйлдлийн бүртгэл цэс — хэн, юуг, хэзээ өөрчилснийг бүгдийг харуулна. Устгах боломжгүй.

Ямар нэг тоо гэнэт өөрчлөгдсөн бол эндээс шалгана.

6. Үйлдвэрийн даргын заавар

Та утас, таблетаас ажиллаж болно. Дээд зүүн буланд ≡ дарж цэс гаргана.

6.1. Ачилт баталгаажуулах ★ хамгийн чухал

Отгоо эгч гэрээ хийхэд танд ачилтын хүсэлт ирнэ.

1. Дашбоард → «Ачилт хүлээгдэж буй» хэсэг
2. Харилцагчийн нэр, гэрээний дугаар, материалын жагсаалтыг шалгана
3. Барааг бэлдэж ачуулна
4. Ачсан ✓ товч дарна

Энэ товчийг дарсны дараа л нөөц хөдөлж, түрээсийн тооцоо эхэлнэ. Бараа гараагүй байхад дарж болохгүй.

6.2. Бараа буцааж авах ★

Хамгийн нарийн ажил. Гэрээний дэлгэц → Буцаалт бүртгэх

Мөр бүрд:

Багана	Юу бичих
Буцаах тоо	Хэдэн ширхэг ирсэн бэ
Очих зэрэглэл	Ямар байдалтай ирсэн бэ (А / В / С...) — та шийднэ
Засварт	Хэдэн ширхэг засвар шаардаж байна
Актлах	Хэдэн ширхэг ашиглах боломжгүй болсон бэ

Доорх наву хайрцагт шууд харагдана:

- Өдрийн тооцоо хэдээр буурах
- Засварын төлбөр (ширхэг × фикс үнэ)
- Актын төлбөр (ширхэг × НБҮнэ)
- Нэхэмжлэлд нэмэгдэх нийт дүн

Бүртгэх дармагц:

- Буцаасан өдрөөс тэр ширхэгийн түрээс зогсоно (хоногоор нь тооцно)
- Эсэн мэнд бараа таны сонгосон зэрэглэлээр агуулахад орно
- Засвартай нь «засварт», акталсан нь «акталсан» болно
- Засвар, актын төлбөр харилцагчийн тооцоонд автоматаар нэмэгдэнэ

6.3. Засвар дуусгах

Агуулах цэс → засвартай мөрийн хажууд Засвар дуусгах

Хэдэн ширхэг бэлэн болсныг бичнэ → агуулахын нөөцөд буцаж орно.

6.4. Тооллого (утсаар) ★

Агуулах →  Тооллого хийх

1. Утсаа барьж агуулахаараа явна
2. Материал бүрд бодит тоог том талбарт бичнэ
3. Систем шууд зөрүүг харуулна (ногоон = илүү, улаан = дутуу)
4. Зөвхөн зөрүүтэйг харах бол Зөрүүтэй товч
5. Доод талд нийт зөрүү харагдана → ✓ Тооллого дуусгах

Бүх мөрийг тоолох албагүй. Бичсэн мөрүүд л залруулагдана. Тооллого бүр үйлдлийн бүртгэлд үлдэнэ.

6.5. Механизм (Автокран)

Механизм цэс. Машин сонгоод:

- + Ажил бүртгэх — Бүтэн өдөр / Хагас өдөр / Дотоод ажил, хэнд, дүн, төлбөрийн хэлбэр
- + Зарлага — Түлш / Сэлбэг / Жолоочийн цалин / Бусад

Дээд талд машин бүрийн орлого – зарлага = цэвэр ашиг харагдана.

Дотоод ажил (өөрсдийн материал зөөх) сонговол орлогод тооцогдоно ч мөнгө орж ирээгүй гэж үзнэ.

7. Санхүүчийн заавар

7.1. Төлбөр бүртгэх ★

Хоёр газраас: гэрээний дэлгэцээс, эсвэл харилцагчийн профайлаас Төлбөр бүртгэх

1. Огноо, дүн
2. Хэлбэр: Бэлэн / Данс / Бартер
3. Бартер бол юу орж ирснийг заавал бичнэ (ж: «Автомашин 9957УКК»)
4. Navu хайрцагт аль нэхэмжлэлд хэд орох нь урьдчилж харагдана
5. Бүртгэх

Төлбөр хамгийн хуучин нэхэмжлэлээс эхэлж автоматаар хаана. Илүү төлсөн бол кредит болж, дараагийн нэхэмжлэлд өөрөө суусна. Бартераар төлсөн зүйл Бартер модульд автоматаар хөрөнгө болж орно.

7.2. Авлага цуглуулах ★ өдөр бүрийн ажил

Авлага цуглуулах цэс — хэнд залгах вэ гэдэг жагсаалт.

Дээд талд:

- Хэтэрсэн нийт дүн

- Огт холбоо аваагүй харилцагчийн тоо ← эхлээд эдгээрт залгана
- Амлалт зөрчсөн тоо ← дараа нь эдгээрт

Шүүлтүүрүүд: Бүгд · Холбогдоогүй · Амлалт зөрчсөн · Амласан · 90+ хоног

Залгасны дараа:

1. Тухайн мөрийн + Тэмдэглэл дарна
2. Хэлбэр сонгоно (Утсаар / Уулзсан / Мессеж)
3. Амлах огноо ба амлах дүн бичнэ
4. Юу ярьсныг богинохон бичнэ: «Даваа гарагт 5 сая шилжүүлнэ гэв»
5. Хадгалах

Тэр өдөр болоод төлөгдөөгүй бол жагсаалтад улаанаар «амлалт зөрчсөн» гэж гарч ирнэ, дашбоард дээр бас сануулна.

7.3. Барьцааны тооцоо

Гэрээ дуусахад барьцааг буцаах эсвэл үлдэгдэл өрд суутгах:

1. Гэрээний дэлгэц → баруун талын Барьцаа хэсэг → Барьцааны тооцоо хийх
2. Систем өрийг харгалзан автоматаар санал болгоно (суутгах / буцаах хуваарилалт)
3. Дүнгээ засаж болно. Хайрцагт үлдэх дүн харагдана
4. Тооцоо хийх

Суутгасан дүн шууд төлбөр болж авлагаас хасагдана.

7.4. Бартер хөрөнгө

Бартер цэс. Дээд талд:

- Хадгалагдаж буй — хэдэн төгрөгийн хөрөнгө хэвтэж байна, дунджаар хэдэн хоног
- Зогсонги (180+ хоног) — удаан зарагдаагүй хөрөнгө ▲
- Хэрэгжсэн ашиг/алдагдал — зарсан хөрөнгүүдийн үр дүн

Хүснэгтэд Хэвтсэн хугацаа багана: 180 хоног хэтэрвэл шар, 365 хэтэрвэл улаан.

Зарахдаа: мөрийн Зарах → огноо, зарсан үнэ, худалдан авагч.

Хайрцагт ашиг эсвэл алдагдал шууд харагдана.

Бартераар материал орж ирсэн бол Нөөцөд дарж агуулахын нөөцөд оруулна.

7.5. Зээл / Өглөг

Зээл / Өглөг цэс. Зээл бүрийн мөрөнд Төлөлт дарж:

- Хүү төлөх — үлдэгдэл өөрчлөгдөхгүй
- Үндсэн дүн төлөх — үлдэгдэл буурч, сарын хүү ч дагаж буурна (хайрцагт харагдана)

Хүүг тасархай зураастай хувь дээр дарж өөрчилж болно.

7.6. Цалин

Цалин цэс:

1. + Ажилтан — нэр, төрөл (Үндсэн / Гэрээт / Өдрийн), цалин эсвэл өдрийн хөлс, НДШ суутгах эсэх
2. Цалин бодох — сар, хагас (1 эсвэл 2) сонгоно. Өдрийн ажилчдын ажилласан өдрийг бичнэ. Хайрцагт гарт олгох нийт харагдана
3. Мөнгө олгосны дараа Олгох ✓ — зардалд тооцогдоно

НДШ хувийг Тохиргоо хуудсаас өөрчилнө (одоо 11.5%).

7.7. Тайлан ба Аналитик

Тайлан цэс:

- Ашиг, алдагдлын тайлан: орлого (түрээс + худалдаа + механизм) – зардал (цалин + хүү + зарлага) ± бартерын үр дүн = цэвэр үр дүн
- Мөнгөн урсгалын график (сүүлийн 6 сар)
- ↓ Excel татах — 3 хуудастай файл (P&L, Авлага, Зээл)

Аналитик цэс, 2 таб:

- Материалын өгөөж — аль материал мөнгө олж байна, аль нь агуулахад хэвтэж байна. «Хэвтэж буй хөрөнгө» их байвал тэр материалыг зарах эсвэл үнээ өөрчлөх талаар бодно
 - Мөнгөний прогноз — ойрын 30/60/90 хоногт хэдэн төгрөг орж ирж, хэд гарах вэ.
- Улаан анхааруулга гарвал авлагаа эрчимжүүлэх эсвэл бартераа зарах хэрэгтэй

7.8. Харилцагчийн профайл

Харилцагчийн нэр дээр дарвал бүх зүйл нэг дор: гэрээнүүд, нэхэмжлэл, төлбөр, бартер, хавсаргасан файл, бүх түүх. Регистр, утас, тэмдэглэлийг эндээс шууд засна.

Импорт/Экспорт: Харилцагч жагсаалт дээр ↑ Импорт (XLSX) — Excel-ээс олон харилцагч нэг дор оруулна. ↓ Авлага (XLSX) — авлагын тайланг Excel-ээр гаргана.

8. Ажлын хуваарь

Өдөр бүр

Хэн	Ажил
Дарга	Дашбоардын «Ачилт хүлээгдэж буй» шалгах → ачаад Ачсан ✓
Дарга	Буцаж ирсэн барааг тэр өдөрт нь бүртгэх
Санхүүч	Орсон төлбөрүүдийг бүртгэх
Санхүүч	Авлага цуглуулах жагсаалт — «Холбогдоогүй» хэсгээс залгах
Бүгд	Дашбоардын мэдэгдлүүдийг харах

Долоо хоног бүр

Хэн	Ажил
Менежер	Дуусах гэж буй гэрээнүүдийг шалгаж сунгах/хаах
Санхүүч	Амлалт зөрчсөн харилцагчидтай дахин холбогдох
Санхүүч	Бартерын зогсонги хөрөнгө — зарах ажлыг ахиулах
Систем хариуцагч	backup.bat ажиллуулж, гарсан файлыг USB эсвэл Google Drive рүү хуулах

Сар бүр

Хэн	Ажил
Дарга	Тооллого хийх (утсаар)
Санхүүч	Цалин бодох (сарын 15 ба сүүлээр)
Санхүүч	Зээлийн төлөлтүүдийг бүртгэх
Менежер + Санхүүч	Тайлан хараад сарын үр дүнг хэлэлцэх
Менежер	Аналитик → материалын өгөөж: юуг нэмж авах, юуг зарахаа шийдэх

9. Асуудал гарвал

Юу болов	Яах вэ
Хуудас нээгдэхгүй	run.bat цонх нээлттэй эсэхийг шалгана. Хаагдсан бол дахин ажиллуулна
Бусад компьютер холбогдохгүй	Нэг WiFi-д байгаа эсэх; Windows Firewall дээр Python-д зөвшөөрөл өгөх
«Хуудсыг харуулахад алдаа гарлаа»	Хуудсыг сэргээх товч. Давтагдвал скриншот аваад мэдэгдэнэ үү
Нууц үг мартсан	Менежер otgoo-гоор орж шинээр өгнө
Тоо буруу харагдаж байна	Ctrl + Shift + R дарж хуудсыг шинэчилнэ
Хэн нэг зүйл өөрчилсөн юм шиг	Үйлдлийн бүртгэл цэсээс хэн юу хийснийг харна (менежер)

Буруу бүртгэсэн

Ихэнхийг тасархай зураастай утга дээр дарж засна. Засаж болохгүй бол менежерт хэлнэ

Системийн эрүүл байдал шалгах: browser дээр <http://localhost:8000/api/health>

10. Хэзээ ч мартаж болохгүй 5 дүрэм

1. run.bat цонхыг ажлын өдрийн турш хаахгүй. Хаавал бүгдэд систем унтарна.
2. 7 хоногт нэг удаа backup.bat ажиллуулж, гарсан файлыг USB эсвэл Google Drive рүү хуулна. Компьютер эвдэрвэл зөвхөн тэр файлаас л бүх зүйлийг сэргээнэ.
3. Бараа гараагүй байхад «Ачсан ✓» дарахгүй. Тэр товчноос л түрээсийн тооцоо эхэлдэг.
4. Буцаж ирсэн барааг тэр өдөрт нь бүртгэнэ. Хоцроовол илүү хоногийн түрээс тооцогдож, харилцагчтай маргалдах болно.
5. Бартераар бараа авахдаа үнийг нь бодитоор үнэлнэ. Хэт өндөр үнэлбэл дараа нь зарахад алдагдал гарч, тайлан дээр улаанаар харагдана.

Хавсралт: Цэсний товч тайлбар

Цэс	Хэнд	Юу байдаг
Дашбоард	Бүгд	Өнөөдрийн ерөнхий зураг, мэдэгдэл, хүлээгдэж буй ажил
Гэрээнүүд	Бүгд	Бүх гэрээ, шүүлтүүр, шинэ гэрээ үүсгэх
Харилцагч	Бүгд	Харилцагчийн жагсаалт, профайл, импорт/экспорт
Авлага цуглуулах	Менежер, Санхүүч	Хэнд залгах, амлалт хянах
Агуулах	Бүгд	Нөөцийн үлдэгдэл, тооллого, засвар
Бартер	Бүгд	Орж ирсэн хөрөнгө, зогсонги хугацаа, борлуулалт
Механизм	Бүгд	Автокраны ажил, зарлага, ашиг
Зээл / Өглөг	Менежер, Санхүүч	Банк, хувь зээл, төлөлт
Цалин	Менежер, Санхүүч	Ажилчид, цалингийн бодолт
Тайлан	Менежер, Санхүүч	Ашиг/алдагдал, мөнгөн урсгал, Excel
Аналитик	Менежер, Санхүүч	Материалын өгөөж, мөнгөний прогноз
Үйлдлийн бүртгэл	Менежер	Хэн юуг хэзээ өөрчилсөн
Тохиргоо	Менежер	Зэрэглэл, каталог, үнэ, НДШ, суурь утгууд

Асуулт, санал байвал менежерт хандана уу. Энэ гарын авлагыг систем шинэчлэгдэх бүрд дагалдуулан шинэчилнэ.

Жигүүр Зам ХХК · 2026